

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O PRIHVATANJU ZADUŽENJA PO UGOVORU O ZAJMU IZMEĐU
BOSNE I HERCEGOVINE I EVROPSKE BANKE ZA OBNOVU I
RAZVOJ (EBRD) ZA REALIZACIJU PROJEKTA VODOVOD VISOKO**

Sarajevo, maj 2017. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na _____ sjednici održanoj _____ i Dom naroda Parlamenta Federacije Bosne i Hercegovine na _____ sjednici održanoj _____ d o n o s i

ODLUKU

O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA REALIZACIJU PROJEKTA VODOVOD VISOKO

I.

Prihvata se zaduženje Federacije Bosne i Hercegovine (u daljem tekstu: Federacija BiH) po Ugovoru o zajmu između Evropske banke za obnovu i razvoj (u daljem tekstu: EBRD) i Bosne i Hercegovine (u daljem tekstu: BiH) za realizaciju Projekta vodovod Visoko u iznosu od 4.500.000,00 EUR.

II.

Sredstva zajma iz tačke I. ove Odluke koristit će se za realizaciju Projekta vodovod Visoko (u daljem tekstu: Projekt). Osnovni cilj i svrha Projekta je proširenje postojeće vodovodne mreže u općini Visoko, te vodosnabdijevanje stanovnika podsistema Gračanice, stanovnika podsistema Moštre, stanovnika podsistema Porječani te ostalo stanovništvo Općine Visoko obuhvaćeno rekonstrukcijom gradske vodovodne mreže.

III.

Sredstva zajma iz tačke I. ove Odluke, odobravaju se Federaciji BiH pod sljedećim uslovima:

- iznos zajma:.....4.500.000,00 EUR-a
- rok otplate:.....15,5 godina
- grace period:.....3,5 godine (uključen u rok otplate zajma)
- kamatna stopa:.....šestomjesečni EURIBOR plus marža 1% godišnje
- jednokratna provizija:.....1 % na iznos glavnice zajma
- dospjeća:.....polugodišnje u jednakim otplatama glavnice
- provizija na nepovučeni iznos zajma:.....0,5 % godišnje

IV.

Potvrđuje se da je razmatrana dokumentacija prihvatljiva za Federaciju, a posebno:

- Nacrt Ugovora o zajmu između EBRD-a i BiH;
- Nacrt Ugovora o podršci projekta između Općine Visoko i EBRD-a;
- Nacrt Ugovora o implementaciji projekta između JKP „Visoko“ d.o.o. i EBRD-a.

V.

Sredstva zajma iz tačke I. ove Odluke Federacija BiH će prenijeti na Općinu Visoko, koja je krajnji korisnik i dužnik po ovom Ugovoru o zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija - Federalno ministarstvo financija da sa Općinom Visoko usaglasi i sklopi odgovarajući Podugovor o zajmu kojim će, u svrhu redovne otplate, definirati uslovi vraćanja sredstava koja se prenose po osnovu zajma iz tačke I. ove Odluke.

VII.

Daje se saglasnost za zaključivanje Supsidijarnog sporazuma između BiH i Federacije BiH, kao i saglasnost za zaključivanje i usaglašavanje odgovarajućeg Podugovora o zajmu između Federacije BiH i Općine Visoko, za sredstva zajma iz tačke I. ove Odluke.

Za potpisivanje Supsidijarnog sporazuma i Podugovora o zajmu, ovlašćuje se federalni ministar finansija – federalni ministar financija.

VIII.

Za realizaciju ove Odluke i izvještavanje zadužuju se Federalno ministarstvo finansija – Federalno ministarstvo financija i Općina Visoko, svako u okviru svoje nadležnosti.

IX.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije BiH, a potom i Podugovora o zajmu između Federacije BiH sa Općinom Visoko, na osnovu kojeg će Federacija BiH sredstva zajma proslijediti Općini Visoko kao krajnjem dužniku i korisniku zajma predmetnog Projekta.

Sredstva zajma koristit će se za finansiranje Projekta vodovod Visoko. Osnovni cilj i svrha Projekta je vodoosnabdijevanje cca 4000 stanovnika podsistema Gračanice, cca 6000 stanovnika podsistema Moštre, cca 1810 stanovnika podsistema Porječani te ostalo stanovništvo općine Visoko obuhvaćeno rekonstrukcijom gradske vodovodne mreže.

Obrazloženje pojedinih tačaka

Tačka I. je nužna kako bi se prihvatilo zaduženje Federacije BiH kod EBRD-a

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora s EBRD-om prihvatljiva za Federaciju BiH, što je uslov da BiH i EBRD pristupe potpisivanju Ugovora o Zajmu.

Tačkom V. se definira način implementacije Projekta, te da nije potrebno osigurati dodatna sredstva u budžetu Federacije BiH za ovu namjenu.

Tačkom VI. se definira obaveza Federalnog ministarstva finansija da sa Općinom Visoko usaglasa i sklopi odgovarajući Podugovor o zajmu.

Tačkom VII. daje se saglasnost za zaključivanje Supsidijarnog sporazuma s BiH, Podugovora o zajmu između Federacije BiH sa Općinom Visoko i ovlaštenje federalnom ministru finansija da u ime Federacije BiH potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačkom IX. se potvrđuje da za implementaciju Ugovora o zajmu i projektu nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.